

UNIVERZITET U SARAJEVU- FAKULTET ZA SAOBRAĆAJ I KOMUNIKACIJE

POSLOVNIK O RADU KOMISIJE ZA AKADEMSKI IZBOR

Na osnovu člana 123. st.(8) Zakona o visokom obrazovanju („Sl. novine Kantona Sarajevo” broj 36/22) i člana 256. st.(1) Statuta Univerziteta u Sarajevu broj: 01-14-35- 1/23 od 26.jula 2023. godine, Komisija za izbor saradnika u zvanje viši asistent na naučnoj oblasti Cestovni saobraćaj - 1 izvršilac, puno radno vrijeme imenovana Rješenja Vijeća br :01- 426/25 od 05.03.2025. godine, radi provođenja konkursne procedure za izbor akademskog osoblja, objavljenog dana 13.02.2025.godine, na konstituirajućoj sjednici održanoj 05.03.2025. godine, usvaja

POSLOVNIK O RADU KOMISIJE ZA IZBOR SARADNIKA U ZVANJE VIŠI ASISTENT NA NAUČNOJ OBLASTI CESTOVNI SAOBRAĆAJ - 1 IZVRŠILAC

Član 1.

Poslovníkom o radu Komisija za izbor saradnika u zvanje viši asistent na naučnoj oblasti Cestovni saobraćaj bliže se uređuju nadležnosti, način rada kao i druga pitanja od značaja za rad Komisije za izbor u akademska zvanja (dalje: Komisija) u postupku izbora jednog saradnika u zvanje viši asistent na naučnoj oblasti Cestovni saobraćaj na Univerzitetu u Sarajevu – Fakultetu za saobraćaj i komunikacije (dalje: Fakultet), u punom radnom vremenu, po objavljenom konkursu od 13. 02. 2025.godine.

Član 2.

Rad Komisije se zasniva na načelima: zakonitosti, nezavisnosti, nepristrasnosti, objektivnosti, efikasnosti i javnosti.

Član 3.

U proceduri pripremanja prijedloga za izbor u akademska zvanja, Komisija postupa u skladu sa: Zakonom o visokom obrazovanju („Sl. novine Kantona Sarajevo”, broj 36/22); Zakonom o visokom obrazovanju („Sl. novine Kantona Sarajevo“, broj 33/17, 35/20, 40/20, 39/21), Statutom Univerziteta u Sarajevu, broj: 01-14-35- 1/23 od 26. 07. 2023. godine, Statutom Univerziteta u Sarajevu, broj: 01-1093-3- 1/18 od 28. 11. 2018. godine, objavljenim konkursom u dnevnom listu „Dnevni avaz“ i na službenoj internet stranici Fakulteta, te službenoj internet stranici Univerziteta u Sarajevu od 13. 02. 2025. godine, Rješenjem Vijeća Fakulteta o imenovanju Komisije za izbor jednog saradnika u zvanje viši asistent na naučnoj oblasti Cestovni saobraćaj br. 01- 426/25 od 05.03.2025. godine.

Član 4.

Nakon donošenja Rješenja o imenovanju Komisije za izbor jednog saradnika u zvanje viši asistent na navedenoj naučnoj oblasti stručna služba/sekretar Fakulteta predsjedniku Komisije dostavlja u pisanoj formi potvrdu o blagovremenosti pristiglih prijava na konkurs i broj prijavljenih kandidata sa naznakom zvanja za koje su se prijavili.

Stručna služba/sekretar Fakulteta prisustvuje konstituirajućoj sjednici Komisije radi otvaranja pristiglih prijava te konstatuje potpunost (urednost) prijava u skladu sa uslovima konkursa o čemu izdaje odgovarajuću potvrdu koja čini sastavni dio izvještaja Komisije.

Član 5.

Komisija je obavezna da po primitku pristiglih prijava i dokumentacije: a) pregleda sve pristigle prijave; b) ispita još jednom formalno-pravnu ispravnost prijava (blagovremenost, potpunost, potpisanost), c) utvrdi ispravnost dostavljenih dokaza. Komisija je obavezna u skladu sa čl. 236 st.(6) Statuta Univerziteta u Sarajevu, u roku od 30 dana od dana imenovanja dostaviti pisani Izvještaj sa prijedlogom za izbor u akademska zvanja, Vijeću Fakulteta. Komisija je dužna pridržavati se zakonskih rokova za pripremu, izradu i dostavu Izvještaja.

Član 6.

Na prvoj sjednici/konstituirajuća sjednica, Komisija je obavezna usvojiti Poslovnik o radu koji će urediti način rada i odlučivanja u skladu sa obavezama iz člana 256. Statuta Univerziteta u Sarajevu. Komisija je u svom radu nezavisna. Komisija donosi odluku većinom glasova. Član Komisije koji se ne slaže sa većinski donesenom odlukom može napisati izdvojeno mišljenje, ali ono ne može uticati na većinski prijedlog u vezi izbora.

Član 7.

Komisija će održavati sastanke uživo. Konkursnu dokumentaciju će otvoriti predsjednik Komisije na konstituirajućoj sjednici. Konačni Izvještaj sa prijedlogom će se dostaviti na protokol Fakulteta potpisan od strane svih članova Komisije.

Član 8.

Izmjene i dopune ovog Poslovnika vrše se na sjednici Komisije.

Član 9.

Ovaj Poslovnik stupa na snagu danom donošenja i objaviti će se na web stranici Fakulteta.

ČLANOVI KOMISIJE

Prof.dr Drago Ezgeta

Prof.dr Suada Dacić

Doc.dr Adnan Omerhodžić

Broj: 01-434/25

Sarajevo, 05.03.2025.